

KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22, 7/24, 29/24, 39/24 i 17/25 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 51. sjednici održanoj 9.2.2026. godine, donijela je

**Autentično tumačenje člana 110. stav (1) tačka a) Kolektivnog ugovora za djelatnosti
predškolskog odgoja i osnovnog odgoja i obrazovanja Kantona Sarajevo
(„Službene novine Kantona Sarajevo“, broj: broj: 24/22, 40/22, 7/24, 29/24, 39/24 i 17/25)**

„Član 110.

(1) Javni konkurs nije potreban za sklapanje ugovora o radu:

a) u hitnim, odnosno vanrednim slučajevima u koje se ubrajaju: smrt radnika, iznenadno i nenajavljeno bolovanje, porodijsko odsustvo i sl.), u skladu sa zakonom, u toku školske godine na određeno vrijeme u ukupnom trajanju do 180 dana i to na način da direktor radnika može angažovati do 60 dana bez javnog konkursa, a za periode duže od 60 dana direktor prethodno mora pribaviti pisanu saglasnost koju, na prijedlog Komisije Ministarstva za zbrinjavanje radnika ustanova za čijim je radom potpuno ili djelimično prestala potreba, daje ministar,“

Dio citirane odredbe člana 110. stav (1) tačka a) Kolektivnog ugovora „u ukupnom trajanju do 180 dana“ se odnosi na anagžman radnika u ukupnom trajanju do 180 dana na upražnjeno radno mjesto, a ne na angažman konkretne osobe/radnika. Obaveza direktora je da vodi računa o pravima učenika na obrazovanje, pri čemu direktor može da više puta vrši angažman iste osobe/radnika u ukupnom trajanju do 180 dana.

Odluka o autentičnom tumačenju člana 110. stav (1) tačka a) Kolektivnog ugovora je donesena na 51. sjednici Komisije održanoj 9.2.2026. godine jednoglasno konsenzusom.

ČLANOVI KOMISIJE

Abid Fejzić, predstavnik Poslodavca

Saudin Sivro, predstavnik Sindikata

Senad Sladić, predstavnik Poslodavca

Envera Šukman, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI
PREDŠKOLSKOG ODGOJA I OSNOVNOG ODGOJA I OBRAZOVANJA U
KANTONU SARAJEVO**

MINISTARSTVO ZA ODGOJ I OBRAZOVANJE KANTONA SARAJEVO

n/r ministrice

**SAMOSTALNI SINDIKAT OSNOVNOG OBRAZOVANJA I ODGOJA FBIH -
KANTONALNI ODBOR KANTONA SARAJEVO**

n/r predsjednika

PREDMET: Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22, 7/24, 29/24, 39/24 i 17/25 - u daljem tekstu: Kolektivni ugovor) obratio se Sindikat, kao jedna od ugovornih strana, a vezano za zahtjev Javne ustanove Osnovna škola „Hamdija Kreševljaković“ Sarajevo, akt broj: 04-123/26 od 03.02.2026. godine koji se odnosi na tumačenje člana 110. stav (1) tačka a) Kolektivnog ugovora u dva segmenta: da li se angažman do 180 dana bez javnog konkursa odnosi na radno mjesto/stvarnu potrebu škole (bez obzira na to koja je osoba angažovana) ili se odnosi na konkretnu osobu koja je angažovana i drugi segment je kako da škola postupi nakon isteka 180 dana.

U vezi s navedenim, obavještavamo Vas da je Komisija na 51. sjednici održanoj 9.2.2026. godine, donijela autentično tumačenje člana 110. stav (1) tačka a) Kolektivnog ugovora, koje Vam dostavljamo u prilogu ovog akta.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za
djelatnosti predškolskog odgoja i osnovnog
odgoja i obrazovanja u Kantonu Sarajevo, s.r.**